

東萊集

二十一之二
家範一之二

漢書門		三	四	九	四	類
一	一	二	七	四	號	類
二	四	函	架	冊	架	冊

庫文閣內		漢	書
三	三	三	四
函	一	九	四
二	二	四	號
架	冊	架	冊

內閣文庫		漢	3494
番號	冊數	12	(6)
函號	313	410	



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



東萊呂太史全集卷第二十一

宗法

禮不王不禘王者禘其祖之所自出以其祖配之諸侯及其太祖大夫士有大事省於其君于禘及其高

祖

趙子春秋纂例曰大傳云禮不王不禘得明諸侯不




王者禘其祖之所自出所出謂所以其祖配之諸

侯及其太祖諸侯存五廟唯太廟百世不遷及者

禘無所疑也不言禘者大夫士有大事省於其君

禘時皆祭故不言禘也大夫士有大事省於其君

干禘及其高祖者省逆上之意言逆上及高祖也干予



淺草文庫

家範一

據此事體勢相連皆說宗廟之事不得謂之祭天
已上注義並趙子義非禮記喪服小記曰王者禘
鄭玄舊釋下祭法亦然其祖之所自出又下云禮不王不禘正與大傳同
則諸侯不得禘禮明矣是以祭法曰有虞氏禘黃
帝舜所謂禘其祖之所自出也而郊嚳帝王郊天當
即舜合以顓頊配天也為身絕堯緒不可捨唐之
祖故推嚳以顓頊配天而以顓頊為始祖禮之情至也
祖顓頊舜之世系出自顓頊而宗堯九祖禹身亦宗舜
世之所出也宗者德高夏后氏亦禘黃帝義同而
而可尊其廟不遷也夏后氏亦禘黃帝義同而
郊魚之尊父且已有水土祖顓頊禹世系亦出而
宗禹當禹身亦宗舜也殷人禘嚳殷祀契而郊冥水

功故推祖契湯出而宗湯未當湯貞周人禘嚳義與
以配天祖契契後而宗湯未當湯周人禘嚳義與
追王之本意也儀禮喪服傳曰父至尊也天子至
尊也君至尊也則父與天子人君其尊等耳大王
與文王乃武王之祖父其尊孰大於是曷為待追
王而後尊哉然則追王者何意曰考之武成曰大
王肇基王迹王季其厘王家我文考文王克成厥
勳誕膺天命蓋三王皆肇基之主所以追王之也
上治祖禘尊尊也下治子孫親也旁治昆弟合族
以食序以昭繆別之以禮義人道竭矣
上治祖禘下治子孫旁治昆弟此三句正是宗法

大傳一篇主說宗法蓋尊祖然後能敬宗故此篇
之首先說禘祭到此一節便說睦族治子弟之事
治是整齊不必作正

異姓主名治際會名著而男女有別

大抵婦人尊卑本無定位隨其夫之尊卑耳故所
主者在名

五世祖免殺同姓也六世親屬竭矣

五世比之六世尚有可得降殺到得六世只但同
姓而已

其庶姓別於上而戚單於下

禮記庶姓即左傳所謂氏族如襄二十五年光武

而郊禋且有播殖之功祖文王而宗武王當武王身亦未有宗

趙子曰予謂禘郊祖宗並叙永世追祀而不廢絕

者也禘者帝王立始祖之廟猶謂未盡其追遠尊

先之義故又推尋始祖所出之帝而追祀之以其

祖配之者謂於始祖廟祭之便以始祖配祭也此

祭不兼群廟之主為其踈遠不敢褻狎故也其年

數或每年或數年未可知也鄭玄注祭法云禘為

配祭昊天上帝於圓丘也蓋見祭法所說文在郊

上謂為郊之最大者故為此說耳祭法所論禘郊

祖宗者謂六廟之外求世不絕者有四種耳非闕
祭祀也禘之所及最遠故先言之耳豈闕圓丘哉
若實圓丘五經之中何得無一字說處又云祖之也
所有出謂感生帝靈威仰也此何妖妄之甚此文
出自織緯始於漢哀平間偽書也故柏譚賈逵蔡
邕王肅之徒疾之如讎而鄭玄通之於五經其爲
誣蠹甚矣

牧之野武王之大事也既事而退柴於上帝祈冬社
設奠於牧室遂率天下諸侯執豆籩遂奔走追王大
王曹父王季歷文王昌不以卑臨尊也

謂不以卑臨尊此出於後來漢儒之說無疑而非
子欲娶東郭偃之甥偃曰男女辨姓今君出自丁
臣出自相不可蓋雀與東郭皆是氏其姓同出於
姜自姜姓中分別出來便有所謂雀氏所謂東郭
氏此便是庶姓別於上也威單下蓋親盡也
繫之以姓而弗別

即上所謂姜姓之類鄭氏曰周之禮所建者長也
姓正姓也始祖為正姓高祖為庶姓繫之弗別謂
若今宗室屬籍也周禮小史掌定繫世辨昭穆

周道然也

不娶同姓自周始如堯釐降二女于媯汭舜與堯皆出自黃帝

君有合族之道

如詩所謂飲食宴樂同姓是也蓋君雖絕宗而息自不可廢族人不得以其戚之君位謂族雖有尊卑為臣者雖屬尊不敢與君叙列君至尊也

別子不祭明其宗也

如曾子問所謂供其牲物所以辨其宗故也

別子為祖

如魯桓公生四子莊公既立為君則慶父叔牙季

友為別子

繼別為宗

如公孫敖繼慶父是為大宗

繼補者為小宗

如季武子立悼子悼子之兄曰公禰悼子既為大宗則繼公禰者為小宗所以謂之繼禰者蓋自繼其父為小宗不繼祖故也

尊祖故敬宗敬宗尊祖之義也

蓋諸族必敬宗子者以宗子是祖之嫡尊其所自來故敬嫡也

公子有宗道

假如國君有兄弟四人二庶而一嫡嫡者君之同母弟公子既不敦宗君君則命同母弟為之宗使庶兄弟宗焉若皆庶而無嫡則須令庶長權攝祭事傳至子則自為宗矣

絕族無移服

謂四從兄弟無服移者昭也謂推不去

親者屬也

如期服親兄弟之屬也大功同堂兄弟之屬也此類皆是

親親故尊祖尊祖故敬宗

此一篇之綱目人愛其父母則必推其生我父母者祖也又推而上之求其生我祖者則又曾祖也尊其所自來則敬宗儒者之道必始於親此非是人安排蓋天之生物使之一本天使之也譬如木根枝葉繁盛而所本者只是一根如異端愛無差等只是二本皆是汙漫意思

敬宗故收族

收族如窮困者收而養之不知學者收而教之收族故宗廟嚴

宗族既合自然繁盛族大則廟尊如宗族離散無人收管則宗廟安得嚴邪

宗廟嚴故重社稷

蓋有國家社稷然後能保宗廟安得不重社稷

重社稷故愛百姓

國以民為本無民安得有國乎故重社稷必愛百姓也

愛百姓故刑罰中

蓋心誠愛民則謹於刑罰

庶民安故財用足

蓋民有定居而上不擾之則可以生殖財用上既愛下下亦愛上此是第一件其次觀欣奉上樂輸其財和氣感召則時和歲豐萬物盛多財用足故百志成

蓋雖有此志而無財以備禮則志不成財用既足則祭祀合族皆可舉矣所謂萬物盛多能備禮也百志成故禮俗刑

禮俗不可分為兩事且如後世雖有籩豆簠簋百姓且不得而見安能習以成俗故禮俗不相干故制而用之謂之禮習而安之謂之俗如春秋祭祀

不待上令而自安而行之刑是儀刑之刑須是二者合為一方謂之禮俗若禮自禮俗自俗不可謂之禮俗

不顯不承無斁於人斯

且如成王能盡得許多事則在文武豈不甚顯在

成王豈非是能承

有文武有前豈非甚顯

此兩句總結一篇之意前面有許多事到得禮俗成後方有此意思惟王萬年子子絲之求保民此言無斁於人斯之意德盛者流遠德薄者流淺

右大傳

禮不王不禘

禮不王不禘則知諸侯歲一祭為不禘明矣至周以祠為春以禘為夏宗廟歲六享則二享四祭為六矣諸侯不禘其四享歟故夏商諸侯夏特一禘王制謂禘則不禘禘則不嘗假其名以見時祀之數爾作記者不知文之害意過矣禘於夏周為春夏嘗於夏周為秋冬作記者交舉二氣對互而言耳享嘗云者享為追享朝享禘亦其一耳嘗以配之亦對舉秋冬而言也夏商以禘

為時祭之追享之必在夏也然則夏商天子歲九
五享禘列四祭拜禘而五也周改禘為禘則天子
享六諸侯不禘又歲缺一祭則亦四而已矣王制
所謂天子禘牲禘禘禘嘗禘蒸既以禘為時祭則
禘可同時而舉所以物薄諸侯牲如天禘一牲
一禘言於夏禘之時止於一祭特一禘而已然則
不王不禘又著見於此矣下又云嘗禘蒸禘則嘗
蒸且禘無疑矣若周制亦當缺一時之祭則當云
諸侯祠則不禘禘則不當云

追王大王亶父王季歷文王昌不以卑臨尊也

文王之志固欲成大王王季之業武王周公斷其
志追王之取宗廟之中叙昭穆辨貴賤辨賢達賤
序齒義之大者也踐文王之位行文王之禮奏文
王之樂敬文王之尊愛文王之親如文王之生也
存所以為達孝

從服有六有屬從有徒從有從有服而無服有從無
服而有服有從重而輕有從輕而重

從輕而重所因者自輕而已從之乃反重也從重
而輕妻為重又其父母當重而已反輕從無服而
有服所從者自無而已反有從有服而無服所從

者自服而已乃無服

有百世不遷之宗

今無宗之家所祭不能追遠大宗則百世不遷言百世已遠矣小宗大宗宗人主禮者統宗族之事者宗也故稱宗子國有宗正大抵主族中之禮故以主稱宗人唐虞已稱秩宗掌禮秩典秩也宗宗族之禮也

王者禘其祖之所自出以其祖配之而立四廟庶子王亦如之

禘其祖之所自出始受始者也其祖配之以始祖

配也文武必以稷配後世必以文王配所自之祖無廟於太祖之廟禘之而已萬物本乎天人本乎祖故以所出之祖配天地周之后稷生於姜嫄姜嫄已上更推不去也文武之功起於后稷故配天者須以后稷

別子為祖繼別為宗繼禘者為小宗

宗子繼別為宗言別則非一也如別子五人五人各為大宗所謂兄弟宗之者謂別子之子繼禘者之兄弟宗其小宗子也

庶子不祭祖者明其宗也

宗子既祭其祖禰則支子不得別祭所以嚴宗廟
合族屬故曰庶子不祭祖與禰明其宗也若已為
宗子而弟有子其^弟既死其子欲祭其父必從祖禰
祔食于宗子之家殤與無後必宗子主之為可若
有後者亦使宗子主之則子有不得事其父矣傳
曰子不私其父則不成為子故兄弟生而異宮所
以盡子之私養及其沒也反不得主其祭於義安
乎蓋異宮者必祭於其宮而其子祭其祭也必告
於宗子而後行不得而專亦所以明其宗子有祭
必先與焉卒祭而後祭其父故曰支子不祭祭必

告于宗子又曰終事而後敢私祭若非異宮則禮
有所不得中禮不得申則雖祔食于祖廟可也庶
子不祭祖不止言王明其宗也明宗子不祭禰以
為親之極甚者故又發此文

右橫渠張先生禮記解

支子不祭祭必告于宗子

去國三世爵祿有列於朝出入有詔於國若兄弟宗
族猶存則反告於宗後

自天子達於庶人喪從死者祭從生者支子不祭王制

孔子曰宗子雖七十無無主婦非宗子雖無主婦可

也 曾子問

曾子問曰宗子為士庶子為大夫其祭也如之何孔子曰以上牲祭於宗子之家祝曰孝子某為介子其薦其常事若宗子有罪居於它國庶子為大夫其祭也祝曰孝子某使介子其執其常事攝主不厭祭不旅不假不綏祭不配布奠於賓賓奠而不舉不歸肉其辭于賓曰宗兄宗弟宗子在他國使其辭

曾子問曰宗子去它國庶子無爵而居者可以祭乎孔子曰祭哉請問其祭如之何孔子曰望墓而為壇以時祭若宗子死告於墓而后祭於家宗子死稱名不言孝身沒而已子游之徒有庶子祭者以此若義也今之祭者不首其義故誣於祭也

曾子問曰殤不祔祭何謂陰厭陽厭孔子曰宗子為殤而死庶子弗為後也其吉祭特牲祭殤不舉無所俎無玄酒不告利成是謂陰厭凡殤與無後者祭於宗子之家當室之白尊于東房是謂陽厭鄭氏曰祭成人始設奠於奧迎尸之前謂之陰厭尸饌之後改饌於西北隅謂之陽厭庶子弗為後者族人以其倫代之明不序昭穆立之廟其祭之就

其祖而已代之者主其禮其吉祭特牲尊宗子從成人也凡殤則特豚自卒哭成事之後為吉祭祭殤不舉無所俎無玄酒不告利成此其無尸及所降也其他如成人舉肺脊所俎利成禮之施於尸者是謂陰厭者宗子而殤祭之於奧之禮小宗為殤其祭禮亦如之凡殤謂庶子之適也或昆弟之子或從父昆弟無後者如有昆弟及諸父此則今死者皆宗子大功之內親共祖祢者言祭於宗子之家者為有異居之道也無廟者為壇祭之親者共其牲物宗子皆主其禮常室之白尊於東房異

於宗子之為殤當室之白謂西北隅得尸明者也明者曰陽凡祖廟在小宗之家小宗祭之亦然宗子之適亦為凡殤過此以往則不祭也

曾子問

適子庶子祗事宗子宗婦雖貴富不教以貴富入宗子之家雖衆車徒舍於外以寡約入子弟猶歸器衣服裘衾車馬則必獻其上而后敢服用其次也若非所獻則不敢以入於宗子之門不敢以貴富加於父兄宗族若富則具二牲獻其賢者於宗子夫婦皆齊而宗敬焉終事而後敢私祭

內則

王者禘其祖之所自出以其祖配之而立四廟庶子

王亦如之別子為祖繼別為宗繼禰者為小宗有五世而遷之宗其繼高祖者也是故祖遷於上宗易於下尊祖故敬宗敬宗所以尊祖禰也庶子不祭祖者明其宗也庶子不為長子斬不繼祖與禰故也庶子不祭殤與無後者殤與無後者從祖祔食庶子不祭禰者明其宗也親親尊尊長長男女之有別人道之大者也

宗子母在為妻禫

士不攝大夫士攝大夫唯宗子喪服小記

五月三月之喪壹不食再不食可也比葬食肉飲酒

不與人樂之叔母世母故主宗子食肉飲酒喪大記

父子一體也夫妻一體也昆弟一體也故父子足

也夫妻胖合也昆弟四體也故昆弟之義無分然

而有分者則辟子之私也子不私其父則不成為

子故有東宮有西宮有南宮有北宮異居而同財

有餘則歸之宗母不足則資之宗

為人後者孰後後大宗也大宗者尊之統也禽獸知

母而不知父野人曰父母何算焉都邑之士則知

尊禰矣大夫及學士則知尊祖矣諸侯及其大夫

天子及其始祖之所自出尊者尊統上卑者尊統

下大宗者尊之統也大宗者收族者也不可以絕
故族人以支子後大宗也適子不得後大宗

諸侯之子稱公子公子不得稱先君公子之子稱公

孫公孫不得祖諸侯此自卑別於尊者也若公子

之子孫有封為國君者則世世祖是人也不祖公

子此自尊別於卑者也是故始封之君不臣諸侯

昆弟封君之子不臣諸父而臣昆弟封君之孫盡

臣諸父昆弟儀禮喪
暇傳

公劉子京斯依踐之濟之俾筵俾几既登乃依乃

造其曹執豕于牢酌之用匏食之飲之君之宗之

毛氏曰君之宗之為之大宗也

司空季子曰黃帝之子二十五人其同姓者二人而

已唯青陽與夷鼓皆為已姓青陽方雷氏之甥也

夷鼓彤魚氏之甥也其同生而異姓者四母之別

為十二姓凡黃帝之子二十五宗其得姓者十四

人為十二姓姬酉祈已膝歲任葡僖媯僖媯依是也

唯青陽與倉林同干黃帝故皆為姬姓國語

韋昭注曰繼別為大宗別子庶孫乃為小宗耳得

姓以德居官而初賜之姓十四人為十二姓二人女

為姬二人為已司馬貞史記索隱曰黃帝二十五

子得姓者十四人史記舊解四為三言得姓者十
三人耳按國語十四人為十二姓其文甚明唯姬
姓再稱青陽蓋國語之誤所以致令前儒共疑其
姬姓青陽當為玄囂是帝嚳祖本與黃帝同姬姓
其國語上文青陽即是少昊金天氏為已姓者耳
國君之適長為世子繼先君之正統自母弟而下皆
不得宗次適為別子別子既不得禰先君則不可
宗嗣君又不可無所統屬故為先君一族大宗之
祖其生也適庶子弟皆宗之別子之母弟雖適子
之別其死也子孫世世繼之為先君一族之大宗

凡先君所出之子孫皆宗之雖百世不遷無後則
族人以支子繼之此謂別子為宗群公子雖宗別子而
自為五世小宗之祖死則其子其孫為繼禰繼祖
之小宗至五世以上則上遷其祖下易其宗無子
孫則絕此謂繼禰每一君有大宗世世統其君之
子孫故曰宗其繼別子之所自出者百世不遷者
也別子所自出謂別子之如魯季友乃之先君桓公之別子
所自出即桓公大宗者公子之公為其士大夫之
乃桓公一族之大宗乃桓公一庶者宗其士大夫之適者則別子為先君大宗之
祖群公子皆宗之是謂有大宗而無小宗若君無

次適可立為別子止有庶公子數人則不可無宗以統當立庶長一人為小宗使諸弟皆宗之是謂有小宗而無大宗若庶長死國君復立庶長為別子以為先君一族大宗之祖而其子繼之此雖不經見然以義求之則一君之大宗不可以絕後也若君之正適外止有一公子既不可宗君又無昆弟宗已是謂無宗亦莫之宗然此公子亦為其先君一族大宗之祖沒則百世相繼先君之子孫皆宗之如大宗法國君主先君之祀上可及先君之大祖而為下為先君子孫之宗故曰尊者尊統上別子為先君百世大宗之祖而不敢禰先君故曰尊者尊統下大

宗者所以統先君之子孫非統別子之子孫故曰曰大宗尊之統也又曰繼別子之所自出宗子議

宗子法久不行今雖士大夫亦無收族之法欲約小宗之法且許士大夫家行之其異宮同財有餘則歸不足則取及昏冠喪祭必告皆酌今可行仍以古法詳立條制使之尊行以為睦宗之道亦無所害於今法可以漸消析居爭競之醜所補當不細矣雜議

古之曲禮者皆以宗名之故伯夷作秩宗周官有宗伯下及平都家皆有宗人宗者廟也禮始於親不

之法非廟不統所以別姓收族無不出於祖廟
不主乎宗祖故天子之元子為天子之大宗以繼
其大祖而別子為諸侯諸侯不敬祖天子而自為
一國之大祖故諸侯元子亦為諸侯之大宗而繼
其大祖而別子為大夫大夫亦不敬祖諸侯而有
立家為別子之祖繼別者為宗亦謂之大宗所以
別小宗而百世不遷者也小宗有四五世則遷者
也故繼高祖之宗得祀高祖凡族兄弟皆宗之族
兄弟同出於高祖故高祖與族兄弟之服皆三月
至于繼祖繼曾祖繼禰所祀所宗莫不做此故其

所繼者皆謂之宗子以主家政而宗之者皆聽命
焉諸侯大夫之大宗久廢不講惟小宗若可行于
今庶士大夫廟制世數之等與宗子族食之差其
詳可得聞歟至宗子必以世適有才不才間有所
廢置變之則宗法壞不變則家不行支子不祭必
告于宗子古者仕不出鄉則支子常得與祭於宗
以今之仕者出處之不常將有終身不與者可乎
至於尊祖奉宗之心或奪于貴富同財歸資之法
或廢于私藏嚴之則賊恩寬之則弛法如庶民之
無知雖父兄猶有不聽何有於宗子乎將使家政

條宗法舉嚴祭享謹冠昏貨財不私法度如一其
親親之道至於祖遷宗易而後已亦有道乎策問
生閣先

管撰天下人心收宗族厚風俗使人不忘本須是明

譜系收世族立宗子法
一年有一

宗子法壞則人不自知來處以至流轉四方徃徃親
未絕不相識今且試以一二巨公之家行之其術
要得拘守得須是且如唐時立廟院仍不得分割
了祖業使一人主之


凡人家法須月為一會以合族古人有花樹常家宗

會法可取也每有族人遠來亦一為之告凶嫁娶
之類更須相與為禮使骨肉之意常相通骨肉口
疎者只為不相見情不相接爾


今無宗子故朝廷無世臣若立宗子法則人知尊祖
重本人既重本則朝廷之勢自尊古者子弟從父
兄今父兄從子弟由不知本也且如漢高祖欲下
沛時只是以帛書與沛父老其父兄便能率子弟
從之又如相如便蜀亦移書責父老然後子弟皆
聽其命而從之只有一箇尊卑上下之分然後從
從而不乱也若無法以聯屬之安可且立宗子法

亦是天理譬如木必有從根直上一榦亦必有旁
 枝又如水雖遠必有正源亦必有分派處自然之
 勢也
已上並程氏遺書

諸僕之子身是公子不得宗君下
 弟則使之為宗次領公子權如大
 如小宗君上有弟或先登人
 已不復主領是謂無宗亦若之



未也後世之宗不可無人主領故若有適昆
宗若無適昆弟適庶兄一人為宗領公子權
既無它公子可為宗又無它公子承宗統
宗今引三圖于後



祖大適子 父小宗身 子小宗 五世則遷之宗

子大適子 父小宗身 子小宗 百世不遷之宗

有大宗而無小宗

庶兄

某侯某侯

同母弟

庶弟

庶弟

庶弟

君有適昆弟使為之宗以領公子公子宗之則如
大宗死為之齊衰九月既有適昆弟為宗更不得立
庶昆弟為宗是謂有大宗而無小宗
公子有宗道公子之公為其士大夫之庶者宗其
士大夫之適者謂此也公子之公者公君也謂公子
之君是適兄第為君者為其士大夫之庶者則君
之庶兄第為士大夫所謂謂公子者也宗其士大夫
之適者言君為此公子士大夫庶者宗其士大夫
適者謂立公子適者士大夫之身也此適也君之同母弟適
故云宗其士大夫適也此適也君之同母弟適
夫人所生之子也

有小宗而無大宗

庶兄

某侯某侯

君無適昆弟皆庶兄第二人為宗領公

庶弟

子禮如小宗是有小宗而無大宗無適而

庶弟

宗庶則如小宗為之大功九月如無庶兄

庶弟

則以庶第一人為宗

庶弟

有無宗亦莫之宗

某侯某侯

公子唯一無他公子可為宗是無宗也

亦無它公子宗已是亦莫之

君弟

宗也

宗法條目

按與朱晦菴書云宗法春夏間當令諸事
讀大傳頗欲畧見之行事其條目未
家間與叔位同居向來先人以先叔久病
之故盡推祖業界之後來看得兩位藐然
却無係屬今年商量兩位隨力多少
一項錢共祭祀賓客等用令子弟一人主
之今方行得類月俟教年行得有次序條
目始可定也此乃辛丑年所定條目

祭祀

日

晨先詣家廟燒香然後於尊長處問安

朔望

長少晨詣家廟瞻拜設酒三盃茶三盞

隔夜別
研茶

時果三品 遇新麥出則設湯餅三分新 唯正月
朔薦繭及湯餅

薦新及節物

薦新以朔望

節物

正月立春日薦春餅 元宵薦圓子鹽豉湯

焦餠 二月社薦社飯秋社同 三月寒食

薦稠餲冷粥蒸菜 以百 五月端午薦團粽

七月七夕薦果食 九月重陽薦萸菊糕

時祭

祭用春分夏至秋分冬至

前期五日脩補屋宇檢視祭料祭具

前期一日洒掃祭所滌濯陳設祭具 祭饌果

六品醢醬蔬共六品麵食米食魚肉羹飯共六

品豐儉以家之有無歲之豐歉為之節 今歲每

祭以陸貫足為率是日與祭者並沐浴致齋男

子會于書堂

祭日質明行禮 具祭儀

忌日

曾祖以下設位於堂祭食從家之舊俗用素饌

前期一日治食料洒掃鋪設子弟已娶者並出
書院致齋忌日早張影貌事具而祭料稱家
之有無物之貴賤

高祖以上遇忌日張影貌於堂設茶酒瞻拜

省墳

用寒食十月且檢校牆園亭亭如有損闕隨事
脩整

婚嫁

嫁

婚伍拾貫文省

其餘隨本位之有無遇宅計不足則取之
諸位

生子

每生子給羊酒之費男九貫省女六貫省

租賦

每遇夏秋稅起催日先期輸納請到朱抄排年分
架閣

家塾

居處

屋宇損漏戶牖破缺如門無闕或與凡日用之

未備者謂面盆浴湯在塾諸生告於掌事者以
時脩整掌事者亦時一檢校

飲食

尊長月一具食延塾之師在塾諸生佐掌事者
檢校每日二膳冷煖失節在塾諸生告於掌事
者隨輕重行遣掌事者亦時一檢校藥物准此
師疾諸生侍粥藥

衣服

以家之有無諸生之衆寡為之節

束脩

合族

以家之有無諸生之衆寡為之節

四仲時祭後飲福

宗族内外姻遠至具酒三行

兩位且望會飯謀家事

賓客

慶吊

今逐旋椿料

送終

以家之有無喪之大小為節

諸項錢除祭祀所椿外皆許移用

會計

內之收支不留底

謂兩位關到錢物及撥錢物付兩位並不用于

照文字

外之收支並留底

謂買物成項目者並要客人領錢文字零碎食料並要市買支破單子就鋪買物並要鋪單子以上並依月日排號粘成案底

歲終宅計具收支都帳及料撥來歲錢物

歲終兩位用度之餘以下之一歸宅計

歲終簿書案底排年月號別櫃架閣

規矩

子弟不奉家廟未冠執事很慢已冠頽廢先業並行擾楚

執事很慢謂祭祀時醉酒高聲喧笑鬪爭久待

不至之類

頽廢先業謂不孝不忠不廉不潔之類凡可以破壞門戶者皆為不孝凡出仕不問官職大小盡因害民者皆為不忠凡法令所載贓罪

皆為不廉凡法令所載濫眾皆為不潔

中庭小牌約束

晨興長幼詣 家廟瞻敬 十歲以下免

果脯鮓醬先儲以共 時祭

子弟出入婢僕增減並稟尊長

非院子小童不許入中門 小童用十三以下者事
須衆力者子弟監視

進退婢僕約束

凡進退婢僕並先書于籍 進者書鄉貫姓名年月及
牙保退者年滿或遣去各

書其稟

尊長請書押如未經書押而擅行者子弟擅楚婢

僕啟正 成契者毀林
已去者復歸

矣是以世俗生男則喜生女則戚至有不舉其女者
用此故也然則議昏姻有及於財者昏勿與為昏姻
可也及期壻具盛饌設倚卓各二於室中東西相向各
置盃七箸蔬果於卓上子舍隘或東西北向皆不
之左為東右為西酒壺在東席之後墉下置合盃一
前為南後為北注於其南卓上如無匏以盃代設與盆二於室之外
帨巾二皆有架與盆有勺

親迎

期日壻氏告迎於廟無廟者設酒果香茶主人
即影堂北向焚香酌酒俛伏興祝以家之子懷辭由主人左
東向出辭跪讀祝興主人及壻及在位者皆再拜出

徹酒果闔廟門壻乘馬不乘馬者以轎前引婦車
婦車迎歸子將至女氏之賓以女氏之俟于大門之外壻下馬
乘轎者賓揖入門主人揖賓而先壻謂賓從主人見
下轎見女氏之先祖設香賓再拜主人又再拜既見
于廟案於行館之正位廟見女之尊長再拜致辭又再拜主人揖賓出賓主
各就位酒三行卒食與女氏奉女辭於廟亦設酒果
香茶主人亦北向立焚香酌酒俯伏興祝以女家子
懷辭由主人左出辭跪讀祝興再拜徹酒果闔廟門
有父母者亂廟畢母面南于房外女出于母左父西
面醴女而戒之母整冠飾戒諸西階之上慈父母則
尊長姆奉女出門壻揖之導婦升車女既升車壻乘


馬而先候于其家之廳事俟婦下車揖之遂導以入
婦從之執事先設香酒脯果於家廟無廟者舅姑盛
服於家廟之上舅在東姑在西贊者導壻以婦至于
階下無階者立於主人進北向立焚香跪酌酒俛伏
興祝懷辭由主人之左進東面出辭跪讀祝懷辭興
主人再拜退復位壻與婦拜如常儀出徹酒果闔廟
門贊者導壻揖婦而先婦從之適其室至室外相向
立婦從者沃壻與壻從者沃婦與悅手畢揖而入室
婦從者布席於闔內東方壻從者布席於西方壻婦
踰闔壻立于東席婦立于西席贊者揖壻再拜程氏

男姆侍扶婦答拜壻揖笏幸婦蒙首遂就坐執事者
進酌壻揖婦舉飲食至揖婦食執事者再酌壻揖婦
舉飲無敵執事者取盞分置壻婦之前的酒於盞壻
婦舉飲食至壻婦亦舉食酒三行畢壻出就他室姆
與婦留室中乃徹饌置室脫服婦從者受之婦脫服
婦從者餞壻之餘壻入室脫服婦從者受之婦脫服
壻從者受之燭出古詩曰結髮為夫婦言自稚齒始
與古結髮之儀此尤可矣也於壻婦之適其室也主人以
酒饌禮男賓於外廳主婦以酒饌禮女賓於中堂如
常儀古禮明曰舅姑乃不用樂曾子曰取婦之家三

今俗昏禮用
樂殊為非禮

婦見尊長

婦明日盛服飾俟見尊長平明尊長坐於堂上贊者
見婦於尊長婦北向拜於堂下升自西階執事者以
箱實幣帛置於尊長之前婦降階又拜幼屬相拜者
少進相拜



東萊呂太史全集卷第廿二

